



Naleraq

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaat pillugit inatsisissatut siunnersuummut missingiutip (Nuummi inissiisarfimmi kinguaassiuutitigut pinerluuteqarsimasut katsorsarneqarnissaannut inissanik pilersitsineq, ukiukitsunik pinngitsaaliilluni atoqateqarsimatillugu pineqaatissiissutit sakkortusineqarnerat, inissiisarfinni imigassamik aanngajaarniutinillu atuinnginnissamut suliniutit, nakkarsaataasumik ajuallatsitaarujussuarnermi eqqunngitsuliorfigineqartoq suliassanngortitsinngikkaluartoq unnerluussisussaataasut pineqaatissiinertaqanngikkaluartumik unnerluussisinnaanerat, inatsisit unioqputillugit aningaasatigut iluanaaruteqartarnerup pinerluutinngortinnera, iluanaarutunik arsaarinnissinnaanerup annertusinera, aamma nakkutigineqartussanngorluni eqqartuunneqarnermut atatillugu tarnip pissusiinik ilisimasalimmit katsorsarneqarnissamut peqquneqarneq) Namminersorlutik Oqartussanit akuersissutigineqarnissaa pillugu Inatsisartut aalajangiiffissaattut siunnersuut

Siullermeerneqarnera

Siullermik Ineqarnermut, Attaveqarnermut, aatsitassanut, Inatsisit atuutsinneqarneranut, Naligiissitaanermullu Naalakkersuisoq saqqummiussaanut qujanaq.

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsip arlalinni allannguuteqarnissaa Naleqqamiit taperserparput

Pinerluttulerinermi inatsisip allanngortinneqarnissaa meeqqanik 18-nik inorlugit ukiullit, pinngitsaalillugit atoqateqarsimatillugit pineqaatissiisarnermut pineqaatissiissut qaffasissusaata 50 %-ianik qaffanneqarsinnaanera taperserparput, taamaakkaluartoq suli sakkortunerusinnaavoq

meeqqanuunnaangikkaluartoq kisiannili kinguaassiutitigut atorerlunneqartunut tamanut, atorerlugaasummi inuunertik sinnera tamaat anniiaatigisarpaat.

Tusarniaanermi atitit immikkut taakkartunngikkaluarlugit saqqummiusnaanut qujanarujussuaq, Nunatsinni atorerluisarneq pillugu akiuiniarneq annertunerusumik sulissuteqarnerunissaa atorfissaqartilluinnarparput, Nunatsinni kinguaassiutitigut atorerluisarneq Nunat allanut sanilliullugu inoqassutsimut agguaqatigiissillugu annertuallaarujussuarpoq.

Kinguaassiutitigut atorerluisarneq kinguaassiutitigullu atorerluisoq kisimi katsorsarneqarani atorerlugaasoq pitsaanerusumik katsorsarneqarnissaanut iliuusissanik ujaasinerusariaqarpugut.

Kinguaassiutitigut atorerluisut sakkortuumik pineqaatissinneqartalernissaat kissaatigaarput, assersuutigineqarsinnaavoq pineqaatissiineq ima pineqarsinnaasoq, kinguaassiutitigut atorerluisup aatsaat tamanna anigorsinnaappagu kinguaassiutitigut atorerlueqqinnginnissaa qulakkeerneqarpat aatsaat pineqaatissiisarfimmiit anisinnaalluni.

Imigassanik aalakoornartulinnik ikiaroorniutinillu atuneq pineqaatissiisarfimmi nakkutigineqalernerunissaanik Naleqqamiit taperserparput.

Taama oqaaseqarlunga ataatsimiititaliamut susassaqartumut ingerlateqqipparput